
陶 樓

鈔

象水坐光機腳



華諸养首受業章 **新建記** 己三十餘年美遺文刊成故 安此為石堂中水為師表計 寅七月命存學古堂同學諸

1	釋命	釋思	釋志	釋意	釋心	釋情	釋性	卷一	陶樓文鈔目	
順機文鈔目	•									
1 -										

請修畿輔通志疏代	修省自强疏恭錄 論旨	趙生字功甫說	庶母慈已不得同慈母服制對	豳風夏正周正中星辨	易用九用六說	原師	釋恥	釋才	

阿爾奧文鈔目	卷三	 	伐羅斯全國圖說	兩湖水利效略	畿輔六大河圖說	大別山考	平販議	選將論	卷二
-			±	•				•	
,	•			,					

重修漢上琴臺記代 安州南北隄工碑記代 重濟沼河碑記代 新建封門口關隘記代 新城縣重修聖廟碑記代 萬卷樓藏書碑記 觀略堂記 遊地書院記 殺定府城建碉記代

阿陶樓文鈔目	安徽義阡享堂記代	湖廣義阡記代	郭氏義莊記	即國記	西畦記	談解齋記	杞樂軒記	怡怡樓記	學律館題名碑記	
.111										

			卷					2.4	
李忠武勇毅兩公家傳	拱 西林傳	紀將軍傳	卷四	明王文成公畫像記	洞堂義塾記	先雕碑 陰記	昭忠節孝兩洞題名碑記代	醴陵縣貞孝節烈總坊記	
				i i				,	

卷五 常州二子傳 贈知府銜大冶縣知縣倪君小傳 浙江提督振勇巴圖魯謚襄恪蕭公行狀 皇清誥授中憲大夫 鄧伯昭先生行狀 **誥授光祿大夫湖北巡撫** 二孝女傳 署右江兵備道 (陶樓文針目 **刺**祀昭忠嗣伯父黃府君行 記名道廣西鎮安府知府 予謚文節陶公行略 四

記新城樂亭兩壽母	記唐敬亭	記謝大黃把總事	記恆嶽廟祀	卷六	陶劉兩淑人事略	先妣左淑人事略	先府君行略	从	
, r	į						7.177		

10個機文鈔目 1	浙江分巡衛紹台道史公神道碑館代	書郭氏妾事	書周誠事	記何氏三世刲股事	記燥州碩氏女	記高陽王烈女	· 記柏卿五烈女	記靜海新城兩孝子	記高陽兩孝子
******	•	,							

卷七 皇情許封資政大夫呂府君墓誌銘 **增通奉大夫直隸候補直隸州知州喬公墓誌銘** 皇帝誥封奉直大夫四川鹽源縣夘縣加六品銜 情故詹事府右春坊右中尤馮君墓誌銘 皇情誥授中議大夫屠光禄寺卿銜戸科掌印給 清故一品頂戴湖北按察使唐公墓誌銘 西 事中陸公墓誌銘 E

情故四川三臺縣知縣陳香農先生墓麦 情故例授登仕耶晉封中憲大夫梁府君夫人泰 **江**忠烈公墓表 封安人穿毋譃氏墓誌銘 王重三先生墓表 表 氏合葬墓誌銘 **重赴鹿鳴陳先生墓誌銘** 阿樓文鈔目

卷八 部床古韻效序代 **段借蠡测序** 槎 慀學易序 倉颉篇補料序 唐母姚夫人墓表 刑部員外耶何君墓表 山西河東道楊公墓表

1999 寅文沙目	吳竹如先生年譜序代	郭氏義莊條規序代	額修族譜後序	續修族譜序代	黃氏續修族譜序代	李氏支譜序	徐氏譜序	鄭學錄序	日本國史紀事本末序
, H									

畿輔通志序傳代 朔方備乘序代 畿輔通志凡例 續修資州志序代 楚南住鄂錄序 重修唐縣志序 情何縣志序 **棗**强 縣 志 補 正 序 直隸全省與圖凡例

胸機文妙目	重刻弟子職集解敘	居學錄序	重 刊 嘉 加足本 孔 ・ ・ ・ ・ ・ ・ ・ ・ ・ ・ ・ ・	卷九	演史瑣言序代	趙忠毅公史韻序	茜卷樓書目序	唐子方先生奏稿後序	林 文忠公政害序
八	•				,				

依盂 醫學三書合刊序 受研闘序 英忠端公明誠堂十四札序 營田衈要後序 遞權日記序 重刻明刑管見錄序 有不爲齋筆記序 **重刻弟子職集解後記** 圍圖册序

劳存之先生文集序 **夢**硯齋遺稿目錄序 談瀛雅集圖序 陳息凡鴻爪圖序 重刊日知堂集序 老子釋序 夏雨軒雜文序 方哲甫遺文序 孟晋濟文集序 関する

耐俗軒詩鈔序 蜀遊草序 蓮池日記序 香草詞序 鐵瓶詩鈔序 高秀東詩集序 桐雲詩集序 小隐裔制藝序 朵山房詩集序 一番う多田 九

卷十 書吳竹如先生年譜後 積古齋鐘鼎款識橐跋 息爭書楊湘筠敎交篇後 書左傳杜解補義後 **書趙桐生左傳質疑後** 蓮他課藝序 **青宋本月老新書後** 朔方備乘跋 | 陶樓文鈔目

書稿峯詩草後 書梅然居士集後 書游交浦公集後 書地學淺釋後 書思益堂詩集後 **書質蔗樵师詩集後** 淮南子校勘記歇 書紀效新書校本後 題晚香齋詩鈔後

書建武十三年專拓本後 曹宛令李孟初神祠碑後 題錢子亷肵藏肥本蘭亭明拓爭坐位帖 書幕府山古專拓本後 題宋李曾伯峴山衉 跋怡亭銘 唐花陽張氏六墓石跋 題魏神龜造像碑 跋蘭亭 网模次邻目 土

卷十 書王少卿先生遺像册後 書陽湖趙氏耕讀傳家圖後 書音軒筆疏後 題明范文忠公畫像并宦蹟圖 書类雲門藏錢松壺畫輞川圓後 **警明楊所修疏稿後 曹馬文敏與魏介肅書後** 五忠手蹟跋

害王金粟先生遺墨後 書强忠烈公遺墨後 跋錢東往先生書 **曹翁覃谿先生手札後** 題胡曉山先生手書試稿後 書國 初諸人詩 册後 書魯亮儕詩册後 跋陳香泉書 **曹郭崩石先生臨爭坐位帖後** 周梅文鈔目 土

卷十二 書方鶴棲先生遺訓後 書夢硯齊詩册後 跋林文忠公手札 答賓蘭泉先生書 **青王琴航先生遺墨後 書黔南三先生遺墨後** 書唐子方先生遺蹟後 上吳江相國書

	76.69 20 7 <u>8</u> 0.63	(\$40%)				(chia subis sa	A SAUCE MAIN			
	與舒文泉書	與章子和書	其一	與方不之書	其四	其三	其二	上李中堂曹	上賀麓樵先生書	
生										
sate										

答何小宋書	答張香濤書	卷十三	與倪豹岑書	與毛旭初書	其一	與梁巖初書	與耿立齊書	與賀復	
									1-1-1

門機文鈔目	致諸遅糊明府書	答王星階書	答張生書	敦王晉卿書	上丁宮保書	答勞玉瑳書	答張振軒中丞書	答情何道菜视察書	答唐鄂生書
ig .							•		

ř

卷十四 袁母郭太夫人百龄旌毒序代 送王子蔣告歸序 傅青餘按察配劉淑人六十雙霧序 贈游子俗序 贈彭貢甫序 送林顥叔方伯歸閩序 送樊雲門庶常序 合肥相國五十壽序 è

33443 28	Yo. (Low November)	gales Magazi	opilodeta ju	anazana	niziste) <u>es in</u>	190 690 53	\$2.52.5000	850 SS 441 #5	
門模文鈔目	柏舟試操圖頌	容齊銘 為夏容甫作	張薊雲哀詞并序	孫彦三衷詞并序	祭枯骨女	祭李少石文	祭同年陳作梅先生文	祭外舅劉寬夫先生文	胡母沈太孺人七十壽序
去									

,

釋性 **所以紛然而歧出也易日** 性善之說不自孟子始也論者動曰孔孟之言性不 在人爲仁義禮智在天爲元亨利貞文言日元者善之 ·成之者性也陰陽之理爲太極其分爲五行爲四時 則四德之皆善可知也本朱書曰維皇降衷若有恒 樓文鈔卷第 湖樓文鈔 陰 陽之謂道繼之者善

果不善則烏可以常易叉日成性存存叉日順性命之 循也是孟子故者以利為本之說也人性果不善則官 理存也順也猶書之言若中庸之言率若者順也率者 如荀子所謂矯而正焉烏有存之順之循之者哉且 生顧亭林先生說書之言恒詩之言舜猶言常也人性本程了眞西山先書之言恒詩之言舜猶言常也人性 于謂性相近者為其善也猶孟子堯舜性之楊武反之 (命之謂性皆是也是易書詩禮春秋論語)言性善 說也若有善有不善鳥得云相近乎衛先生常願 民之秉舜好是懿德孔子日人之生也直中庸 Section of the second section is 也

惡者之於善爲之斯善矣而愚者之於智不能也公 常孔孟之言性 性有仁義禮智猶身有五官百骸其愚智上 長短肥瘠也然則人之生而不善若越椒生而 若敖食我生而知其必诚羊舌何也曰五官百 同亦有生而不具或生而易位此其變也君子 之言性惡也猶告子杞柳之喻也夫人而 子曷言中人以上可以語上中人以下不可以 |智與下愚不移也日此之謂智愚非所謂善 阿陶樓交鈔 一也願亭林 訊劃

觚 址 而後直 資之過乎抑雕之者之過 喻 之端其荀子ツ 利 不離 而其說已 2. 放明 偽 爲 鈍金 調 也猶 耳 孰 孰 已窮也杜牧之 一必待 碧 而離其朴離其資必失而喪 知夫聰明之生於 以非彼 知夫埴之可以爲 卷 徒 調 厲然後利 可以見之明不離 |子是 愛怒 、埏彼謂拘木必待 不待舉孟子戕贼人 孰知夫木之可直金之 耳目彼謂器生 而自能為 址 アドル 以 感應不 JE. 然調 性之 朴

電子口 善之說矣而又日聖人言中無性善名夫繼善成性非 覆而為雛繭待綠而為絲性待教而為善又日性有似 米善出性中而性未可全為善又日性如繭如卵卵待 成人成人不易得不可謂未成者之非人也成孝者為 聖人之言歟聖人言善人不得見自其成德言之猶言 無繭不可爲絲無別不可爲雛無目不可爲見則知性 目卧幽而瞑符覺而後見董子知夫無禾不可爲米 -孝子不易得不可謂人生而不孝也執斯言以疑 日性比於禾善比於米米生禾中而禾末可全爲 / 阳 樓 文 鈔

善而誣性也矣 性善不亦泥乎揚雄日人之性也善惡混修其善則爲 粱也不能治田而有藜莠乃日田之生無怪以習之不 韓文公日性之品有三所以爲性者五旣日仁義禮智 稻粱蒸莠相與並生是蓮子兩有仁食之性告子淵水 信是爲性矣又日下焉者惡焉而已矣五者而可謂惡 之說也土之未墾者吾不得而知既日田矣固以爲稻 八修其惡則爲惡人司馬文正公伸之曰譬之於田 一而悖於四矣則何以謂五者爲性乎三子 レイー

為驗腦之 動而為善乎為惡乎動而為善則性善矣若有善有一 不可以善惡言也吾所以異於孟荀又曰揚子之言爲 王荆公之言曰性者五常之太極也而五常不可謂性 一然荆公之論又竊善惡退之說而求勝孟荀韓者也 [似猶未出乎以習而]言性荆公謂揚雄以習]言性是 五常而言性太極果何物乎太極動而爲陰陽今性 (與於韓子性生乎情有情然後善惡形焉而) 門胸樓文妙 四

善則何以謂五常之太極乎且有情而善惡形然後命 之程朱持之而程子又有惡亦不可不謂之性之言後 說故舉其說而斷日君子不謂性也何反以是疑吾孟 呂子歷舉易書詩孔子孟子周子程子之言謂皆不專 惡乃其情也非謂五性有惡也借也性善之說孟子明 子乎周子五性處動而善惡分五性善也感動而分善 **言爲世有以數者爲性若告子食色荀子聲色飽煖之 旨性善其稱孟子之言曰聲色臭味安佚性也孟子之** 1義日不仁不義然則仁義其皆在外乎 罗第

於昌黎其言性乃日動靜皆離寂然不動白雲郭氏斥 為異教證昌黎所謂雜佛老而言者 則安用教與學豈知夫卒性修道之不可以已非若今 不言性善將以明先生之教而勵學也若以爲性已善 **有**in 華字司馬呂之數子者皆古之大儒賢者也曷爲 (之)言性也今人之)言性者空言也空言者無以異晉 氏以寂滅為見性又以作用為性不知性也李駒學 因是論說又紛然矣 (清談也) 孟子言 堯舜性之而繼以動容 周旋中禮 劉賴模文鈔 扯

釋情 者弗學而能易日觀其所處而天地萬物之情可見又 **衷諸聖盲性者亦衷諸孔孟而已** 叉日堯舜之道孝弟而巳矣眞西山大學術義以天理 **惡焉者何也物交物而心隨之心交物而氣隨之氣有** 止有偏心有質有僞而善惡分矣是故舜蔣象愛兄孟 八心之善爲致知之要知性者盡心之本也羣言淆亂 |正大而天地之情||可見是性善則情無不善然而有 」威於物而動性之欲也又日喜怒哀懼愛惡欲七

The Company of the Co

一路原外原惡之正也惡而不知其美惡而欲其死非惡 推之凡七情之出於偽者何所不至哉聖人知其然也 也若夫令包韵笑則偽喜矣色厲內桂則偽怒矣由此 之正也臭味聲色安佚欲之正也欲所不欲非欲之正 懼懼之正也不嫌而餒非懼之正也仁者愛人愛之正 也愛而不知其惡愛而欲其生非愛之正也惡莠惡鄭 怒而安民顏子怒而不遷怒之正也忿而亡身非怒之 子喜樂正子好善喜之正也樂而淫非喜之正也文武 止也哭死而哀哀之正也哀而傷非哀之正也孔孟之 関り退くが

爲之實終歸於憨於是有以殺爲喜臨喪而歌變而反 情之發也或失則縱或失則塞縱而莫爲之閑塞而莫 也易日吉凶以情题荀子日兩情者人生固有其端焉 告凡以去其偏與偽而已記曰以陰陽爲端則情可 其常矣其始也苟求其端則以陽制陰化凶爲吉且易 故備物以養之制體以節之爻彖以窮之詩書以屬之 之情近而不相得則凶求其端者固不在逭也孟子 史以示之戒刑以示之防官師之所程式父兄之所詔 見其禽獸也以為未嘗有才焉是豈人之情也哉 粉粉 相うな

若偽則固已喪其良心日是不然其偽也喪其良心也 哉荀子之言性惡也以欲爲性儒者咸知其非未有知 一發而中節即天下之遙道也或日情之偏者矯而正之 源也情流也欲則流之支派也支派污下或泛溢横决 其偽而正大之情見矣 **情之惡而入於禽獸者有矣曷於平旦而省之省之而 欲者七情之一情之中有欲不得以欲爲淸醬之水性** 其所以偽也正其良心之不投而假焉者也者其誠去 而奪水之正流人見其汪洋也以爲流固如是豈其然 ||陶樓文鈔

矣喜怒哀懼愛惡欲七者人情也人能無以六者為 於是淫亂狎褻之狀實緣奔競之私皆以爲情之不容 責者人之同心也皆舉情之一端言之世人以欲爲情 恥之防遂蕩然無存矣朱子曰欲動情勝言欲之縱恣 欲天必從之孔子日富與貴是人之所欲也孟子日欲 而害情也故治欲如治水治水者導其流則源不滯而 日己借以自解人亦因以相原或且尤而效焉禮義廉 以欲爲情之誤者也書日惟天生民有欲又日民之所 **支流無橫溢矣治欲者導其情則性常存而欲無縱恣** 卷

釋心 一體樂刑政之文日用飲食之節六合之廣秋毫之細知 展也默默心無有也然君臣父子夫婦昆弟朋友之 草木無心愈獸有心而無心惟人有心知覺之心人 用則善 視口能言手足能動心無能也然是數者不得心則若 **肏獸同理義之心人與禽獸異故曰良心耳能聽目能** 一若瞶若歸若痿痺故無能而無不能其生也蒙蒙其 **獨思無不周故無有而無不有古之喻心者如** 用其情矣 路樓交鈔

者亦此心賢者此心不肖者亦此心故日固有日皆有 弊之大者則強詞邪說作於其心甚至無所不爲總而 貧賤生死險夷之形或交於外或引於內於是有忿懥 如日如水如鏡如翻車故無動而無不動智者此心愚 也失其卒也喪其弊之小者則飽食終日無所用心其 惻隱羞惡辭讓是非之在心者其發見則爲無欲害! 究之則放而已矣雖然放其良心未嘗梏亡其良心也 恐懼好樂憂患於是心有出入有存亡其始也違其繼 日同然宮室車馬衣服飲食聲色貨利玩好之物富貴

忘也於是乎言盡其用力之始也日困日苦日危其用 宜知恥故戒心不若人而不知惡由近以及建謂之推 也於是乎言操猶懼其多欲也於是乎言養猶懼其或 由小以及大謂之擴由虛以及實謂之充猶懼其出 患不能培之理之耳故學者莫患乎失其本莫要於求 幹雖彫而本未則死端者緒也治絲雖紛而緒固仍在 其端求端莫先於致知故哀放心而不知求既知之則 為無穿窬為乍見孺子將入井而忧惕惻隱爲平旦之 好惡故曰仁義禮智根於心曰有是四端根者本也枝

力久而有得也日廣日慊閑邪而存誠下學而上違如 非之不亦過乎老子之言心也日虛日恍惚猶有物有 也即所謂必有事焉也凡孔孟之言心皆實也惟實故 即所謂仁義禮智也仁之實事親是也義之實從兄是 是而已矣聖人之從心所欲不踰矩不得而聞也而矩 誠斯言也有合於大學所謂誠意正心者而儒者猶或 能由身而推之家國天下也荀卿之言日養心莫善於 **也智之實知斯二者那去是也禮之實節文斯二者是** 可知也十五而志於學志此矩學此矩也矩者何道也

宣也朱子之言日心具眾理應萬事體無不備用無不 窮則謂之幻妄張子所謂疑氷也易始八卦惟坎言心 象也莊周譬之死灰欲無是非掊仁義心齋坐忘皆周 馬文正公之言心繫乎中王文成公之言心求乎己皆 **钨言非孔子顏子之言也釋氏以心法起滅天地不能** 其中實也張子之言心大乎道程子之言心主乎敬司 **詬病而唐仁卿遂謂古有學道不聞學心斯大謬矣** 周大哉言乎若夫程子言傳授心法謝氏言非有所存 語個同於釋氏義或高過大學蓋因俗沿譌未可遂爲 阿旭樓文鈔

釋意 心意也朱子以爲左腹者幽隱之處然則意其不想不 聞者乎危乎危乎之善而善之惡而惡微乎微乎善獨 **填壑圖之於蔓何若慎之於徽心本無忿而有忿也吾** 統包萬盧謂之心心之所發謂之意易日入於左腹獲 知之惡獨知之周子曰誠無爲幾善惡劉念臺先生 **郑之心本無欲而有欲也吾知之知而誠懲窒之是謂 小動念以知幾幾者動之微也人言懲忿窒欲如堆 嫌知而不誠懲窒之是謂自欺故誠意莫切於慎獨** 防治

突志 設象以盡意推之家國天下也書不盡言言不盡意 意逆志學者之事也 慎獨莫切於別居勿謂幽鬼神通焉勿謂隱指視叢焉 ()之生耳目口鼻百骸同所性! 一班自欺禁於意已發之後也聖人之意不可見於是 不循理而出是謂私意孔子毋意絕於意未發之前 **。或爲賢人或爲庸人或爲小人其始混然其卒判** 知致者意循理而出是謂誠意未能格物致知者 | 胸樓交鈔 一義禮智同然而或爲

The second second second second second 然豈不以其志哉程正公未冠上書遂談王道朱文公 孟于言尚志必本仁義必辨殺 者熟則人食其利種島附者熟則人被其毒水態 捫蝨而談莫不奮志靑雲聲流丹史蘇秦韓非志在游 說商鞅王安石志在變法一身蒙其難天下被其災又 之有志也猶田之有種也其行也若種之熟也種稻粱 如管宵華歆同學而異操陶潛周續之共隱而殊節 十八對策欲措大事卒能上承絕學垂法萬世終軍請 **無罪之非仁非其有** が爾故

者效此志也立也者立此志也篤也者篤此志也得志 言其志子路顏淵孔子又各言其志如適王畿者或自 身成仁故曰志為氣之帥柏舟婦人能矢其志別在太 澤加於民不得志修身見於世常則居仁由義變則殺 而后有定若射之於的焉爾矣求也者求此志也致也而取之之非義而後可言仁義而後可言志所謂知止 秦晉或自楚豫此眾賢之所以異也或計日而至或計 夫匹夫不可奪志矧在君子志不可欺故君子內省不 > 阳樓文鈔 兰

其體則日剛曰正日信曰固言其用則日遂日通日定 君賊者害也害志也故士志於道而恥惡衣惡食者未 月而至此聖人賢人之所以異也歸於道而已矣人或 料思 足與議禮日凡學官先事士先志易之言志者屡矣言 言聖賢不可及王道不可成此孟子所謂自賊而賊 易之无思也猶人之始生也道之體也而非其用也思 不同行不相得言末言窮言窮災尤詳孰謂志可苟哉 合日行言得志大得志者一而言未平未得未變言 卷

計利逭害掩著未嘗不周且密其本不誠精氣不能以 一之有條理者謂之思其無條理者謂之淫凶人爲不善 在五事猶土在五行無往而不入焉其作聖也心得其 疑而不惑憂而不懼思之動也若女之抽絲思之止也 職而物不能蔽其日蒙也心失其職而物來蔽之凡心 若農之有畔蓋言愼也其愼也誠也其誠也近也近思 自固也於是有忿怒眩惑恐懼之心善思者怨而不怒 云者以類而推也君子之思有九各專其一 則不獨九也凡人勞則思開而弗達則思求而弗得 侧機模文金 兰 **业各專其**

霧命 則思詩三百篇無非思也季札之論詩也惟王言思唐 定命也能者養以之福不能者敗以取禍天命善不命 思之惡不學殆也 夷之聖也其思也凡人不能思則仁義禮智之固有者 性命之命與禍福之命有以異乎日劉子有言民受天 而不知也故近思者學之要也不思而得思之至也一 **言思小雅言思皆衰亂勤苦之尤者也禹周公伊尹伯** 中以生所謂命也是以有動作禮義威儀之則以

之說出焉人見聖賢之罕言命又以其私心所禱畏而 賢懼求之不巳而貪縱巧奪以成世變也故安命俟命 君子不謂命也又日求則得之求在我者也得之有命 有命焉君子不謂性於仁義禮智聖則日命也有性焉 惡故福善而禍淫然孟子於耳目口 求在外者也若析而二之者何哉曰天道福善而禍淫 無以懲益肆其惡而無所忌憚矣於是有爲立命之 不盡然也則謂兩與福皆氣數之適然而善無以勸惡 世人舍善惡而言禍福舍其所固有而求其不可知聖 常的樓文鈔 1鼻四肢則曰性 占

好仁惡不仁也誠不誠雜而其於欲畏也無不誠能 勞邀厚分不可謂孝藉小惠徽勤邀福報於天不可謂 之以爲人臣而矜功伐邀龍利不可謂忠人子而顯勤 矣上焉耆天地清純之氣之萃而間有者也下焉者 多寡長短輕重以酬不差爽厥分児立命說儒者或非 氏之說非之誠是也吾懼其塞中下爲善之路也濟陽張 無欲而好仁者無畏而惡不仁者天下 爲善則美報聞之有 善必有

辨若刻符契眇不睹其朕故日各正性命保合太和疑 於 也人猶魚也氣猶水也魚腹之水猶江海之水人之氣 致而至非與髳闆略偶會其適之謂至神至精肖類應 生死禍福無不應者故知孟子所謂莫之爲而爲莫之 良知良能之見端可膈馭而充之者也漏跃有故舉 口惠迪吉從並凶易曰天道虧盈而盆謙左氏傳春秋 (所甚欲而誘之爲善舉人之所甚畏而使之去惡書 言 **今夫天之生人也理至而氣亦至焉天地猶江** | 事動作威儀之間而ト國家之與廢與人之 胸機交針 左

體爾矣張氏給人之不可絶於天猶草木之不可絶於 與性爲終始未有離性而言命者也夫人之生死必有 本在天其末在人持其末以動其本爲善爲惡必有相 道論、本命日分於道之謂命又日命者性之終也命爾岐天本命日分於道之謂命又日命者性之終也命 及者矣相反而逆其常然之性則自為竭絶之道也張 天必知之理有以相通即氣可以相觸也人之一身 根荄不屬非地故奪之而自不生人之受是氣也其 天地之氣天不必伺察乎人而爲善天必知之爲惡 **陂之癈心無不覺者天之於人猶心之於四** 1000

其期然精明强固每得之淡嗜欲平心氣之時知生之 故而不得乃曰人事有順逆天命有治亂以堯舜湯 其及是適止也安知不養之不先是止也其能及是乃 故畏天命畏天命故安天命是之謂知命也世儒求其 生之可迫以短也有時養者未必長而不養者未必短 **君子於其可知者以自勸也於其不可知者以自威也** 可知不可知交信其必有而已張氏爾岐惟信其必有 可 也安知善養之不更進於是也禍福之來亦若是焉 引以長也唇感疾病每得之恣歡娛極思慮之時 9月 腹文鈔

陽之士無子遺長平之屍數十萬爲飢命跖修而囘 君子誹其父啟小人無忌憚之心必自此言始矣知命 一迪吉桀紂幽厲之逆凶爲治命以羿篡夏秦伐周 The state of the s 疾而鯉亡孔錦於魯孟老於鄒爲命亂而不可復 不强其所不可知以爲知乃可以堅爲善去惡之志 發於性者有稟於氣者有成於習者發於性者在 而天命亂原命。嗚呼天曷嘗有亂命哉臣賊 理得其衡則氣效順而天命治理失其衡則氣

異有省察矯揉之功焉成於習者其相違也若南北 義也成於習者君相父師之所教郷里家庭之所尙耳 引申之也發於性者人所同全之而已稟於氣者 智任事之能此吾之爲說本於孟子達才盡才之義而 有輕重純雜之不同人遂有沈潛高明智愚善惡之各 異此程子才稟於氣氣有淸濁之說本於中庸因材之 オ之罪之說本於易三才之義也稟於氣者陰陽剛柔 日之所졺染心思之所觀處或善或惡莫不有料事之 天爲陰陽在地爲剛柔在人爲仁義此孟子爲不善非 胸樓文欽 丰

父之材也而亂魯酆舒之有傷才也而亡潞盆成括之 才日辨才日肆應之才皆未聞大道之才且使貪使詐 小有才也而喪身非教之不明習之不善而不得聞**君** 聖賢所貴乎才必如五臣十人八元八愷而後可也慶 舜臣五人武王亂臣十人孔子歎曰才難古之稱才子 而曰吾娞共才是舉掩賊隱義毀信廢忠侵欲崇侈古 子之大道何以至此世之論才者日吏才日文才日 **轍霄壤之懸殊則維持世道豈非君相師儒之責哉** 日齊聖廣淵明允篤誠忠肅恭懿宣慈惠和然則

着

釋恥 號於人 **所謂不才所謂凶人而謂之才不亦悖乎寇萊公之** 詔書斤之上之所以教者至矣於是而不慎所習且 傾軋之況賢明不及二公者乎 有言君子無才不可用小人有才可用者臺諫論之 謂司馬温公之於蔡京皆稱其才卒改二公之政而 如有周公之才之美使驕且吝其餘不足觀也已況 八日有才則是自賊其性而甘爲小人也矣孔 > 阿梭文針 今上御極之始重臣

歌華敢躬圖篡弑而忘其爲名士者矣至於巧言則如 一成者矣孔子言邦無道穀恥也以王莽之篡而有孔光 | 薦舉又其甚者則有若茲質馮道身仕數姓| 而託於老 舉史冊之遺事與今人之風尙證之亦足以激羞惡之 揚雄以董卓之暴而有黃琬荀爽又其甚者則有若劉 政而蔡義備位荷容以唐太宗之好賢而封德彝久無 古人可恥之事後人習為之而不覺也即以四子書語 世道之變莫思於人心之無恥尤莫思於士人之無恥 良心而知所自立孔子言邦有道穀恥也以霍光之輔

色卷

恭則如丁謂爲寇準拂鬚匿怨而友其人則如公孫宏 董仲舒膠西機變之巧則如呂夷簡於富殤出使國書 之微行級步以得宰相張融之危滕曳步翹身仰首足 為梁冀誣奏李固令色則如何晏之粉白不去手豬淵 張禹引聖人罕言命不語怪神使成帝不疑王氏馬融 而有交章之稱於當時者也今之士大夫以語言圓妙 冊所載若斯之類不可盡數予所舉者皆讀聖賢之書 與口傳異詞行不逮言則如范蔚宗之庶同夏侯色史 爲相常與宏有隙雖陽與善後竟報其過殺主父偃徙 u

所不為其交友也未聞誠心相與夫士大夫無氣節則 爲應世之宜以趨蹌便捷爲立朝之要以脅肩諂笑爲 不明至於此極哉善夫管子之言曰禮義廉恥是謂四 要亭林又言士大夫之無恥是謂國恥夫松柏不彫於 事上之儀以豪奪巧偷爲取樂之策其干進也或至無 維四維不張國乃滅亡顧亭林以爲四者之中恥尤爲 明盜贼鑑起至有膠庠之士入於種苻豈非廉恥之道 天下無風俗上見脛於朝廷下無以式於郷里教化不 多卷 The same of

之書上 善哉程子之於師也樂共子有言民生於三事之如 生之族也故 原師 **朵亭林言而衔之使誦孔孟之書者知所警焉** 百世之上必先知恥而後能行己有恥而後可讀先儒 經術正人倫提人之良知良能而暢之者也故次於公 父生之師教之君食之非父不生非食不長非教不知 一侧珠烟之原未有不知恥而可入於道者也故 網機交針 事之唯其所在則致死焉是故師者明

章然後入學之士知所嚮往故文公門人之盛比於孔 象之於向秀蔽其善而攘之二程之門人間有背師說 棄禮者之介於側也自是之後風俗唆夷教術紛裂郭 而程老佛者獨朱文公得古聖淵源篤守二程爲之表 以重師道乎漢時經學相傳學者各守一 買以爲不知論語十九篇次弟子之語而終於此非所 而重於君昔者叔孫毀仲尼子貢拒之子禽論仲尼子 子康成由元而明復失其旨迄於今日遂不可言古之 一故鄭氏譏應砌邊生斥門人誠尊乎其義不欲悖師 がある。 19 mm - 1 mm - 一先生歪死不

今之師也逵官古之師也名弟子今之師也字弟子古 者守其法而不二矧儒者乎詩曰言告師氏言告言歸 無惑乎其違之之易也夫釋氏之爲教異端也而歸之 非厧能宗其師也徒以一旦苟且希幾之心甘出門下 之師也不答拜今之師也卑其禮彼其執質受教之時 師也以道令之師也以利古之師也以經文今之師 后妃婦人也而尊重師教矧丈夫乎夫名丈夫事儒者 初非中心說而誠服也彼其師非足法於弟子弟子亦 (科第古之師也來學今之師也往教古之師也有德 胸機交鈔 王

之事執經講學以天下爲已任而離宗畔道自讒其師 漢衰於晉魏復於宋而大亂於今故學者之從師也愎 賤也不亦羞哉吾故日師之道起於上古隆於周嚴於 以爲直訐君過以爲讜是異端之所不爲女子之所心 **个之師其不至胥天下而爲逄蒙乎若程子者可謂 忘本矣喜而爲之說且以告世之爲弟子者** 之順之毋輕委其質也旣巳師矣致死焉可也嗚呼由 人方眡之己且和之人方疑之己復質之是猶證父惡

含之六即為在中之坤六中數之說推行之 此皆以 之中數其說以乾不用 坤之偶三 卦之败生於 三起數而未括乎數之全也數之奇一三五七九數之 之象不日以大終乎終之不繫乎十則首之不繫乎 用九用六何也或曰 四六八十何獨取乎九六或曰九陽之終數六陰 或日函三為 而三推之三三而九數極於九而其中 **测胸樓交鈔** 偶於 | 成於三而其中所含之 | 即 兼三為六三三為九龍出 而用九為无首之義則用 三奇而 至

也 於數於前伏之无不元以 明 已於後成見化終至薬 圳 為其是 彭在之於始即能一九而九蓀 年六時 順所為始浸說 下之何 爲 卷 葉陰養 後物所終 首 氏交萬未循藏為羣終可 此替物過不而能龍乾以五 則 也 STATE OF THE REAL PROPERTY. 說用以於得不承无用 也 始 用用陽十養以究而九往全 釋 而為而吉故之中本 六之居 **象以大陰不順極也陽** The second secon 詞承生數足或於陰 爻 以天是之以微十之皆 1111 終 用 爲 大時六中相 而則道用 and the second 中 終行 者起承起 已乃九爾八 也 也 所陰而惟於在順用 业 何 由之從六二 九承九來 眀 不利中陽者則終天而之用

陽八爲少陰求爻繋詞有 其不用七八者或謂連山歸藏皆以 交午也若六者從入而八分七則微陰從天地間 五者陰陽交午而二三四皆積數也二象天地也就友惟初太極道立於一造分天地化成萬 分別相背九象屈曲究盡此七八九六之義也 九六今二易並亡不可考賈逵 得土數五為成數八金數四得土數一得土數五故六也火數二得土數一或以爲七八九六已含全數焉。 樓不揲 文變所 鈔|也得| 九 角 七 八 高 七 八 同 造分天地 陽九襄鄭 大九康 五月 九 年成 本者 工杜 八爲占周易 一家出 陰謂義預 其七云韋 陰行終 九木水金本 惠 皆少蓄說 則 數數木說言 象 在从九法

問 朱張 氏生 變者 子 本 說 上爻 者變占者 義歐 啟陽 龍天姤 周 絥 變 旣 崇修 說並 者 象交 解解 是 P 老 有其 之 榜 悔同 論 其 埖 陰 也 孟變 也六||故鑿| 變 氏於 度 否 龍蔡昭 後也 家 占調 周 章 買 爲 鄭 何 以 易於 老 先 錢變 變 正八 及交為 日首大易年 變占象 爲

瑞 海 八 城 上 九篇 我微諸公子重耳筮得自凡變者究 也乃復變而傷一傷易無形 将易變而為一 道思總用 相虞變 線原陳大 推翻化 橡胶 以 屯 渡 非聖 兩 坤 !性質觀消坤 書 化消命二键之 然 故息性用晰用 變九命 貞外解也而

地 明乎陰 爲氏之 顺 乙書夫書 Z 週故 中合安得 吉 未遠 間 可若陰六之 艮 者 陽 爲九六七 吉 、盡言 聖· 蓋 葉 有於備佩 以方中之 一後倘有 言 待儿又蓀 八老少之名不見於交周 之 所於 列謂 朝後為 六人老 數 育者 萷 顚 父象 言陽數既 陰 動 倒 呂相) 五 末少男 發則女俯 六變 為 陰 生以五六為 既老 陰 也必長仰 彭非中違 惟 國 此 而謂 固 周之 叉 知 聖 得變

首 為 會之 剛 五 Q 而能柔者本於 成 胸樓文鈔 則易所 至精至變至神其孰 声 而言之則剛 也純 道 謂 豕 **叉變而言之則剛** が頂人が 人常必 剃 交遊 來 I 輔 哉易乎分陰分陽迭 枚 故 而 嗣 柔老柔氏 能 之辨猶非九 天德 見羣龍 應 與於斯 Ē 四者合 來而柔 劉 瓛 可以 文 茶葉 說 剛 爲

からしている これのこれのはないのないないないないからない **无得詩辭之旨尚書泰誓序一月戊午劉歆三統應引** 之二之朱子以爲一 之日之交而疑也此篇自夏之十一月至二月以敷配 疑而不必疑者有三一則因一之日 | 之日三之日四 以為兼用周正則以誤會經文及傳義也凡經文之可 日而稱之自夏之四月至十月以數配月而稱之其 **豳風七月之詩當如張子言專以夏正爲斷而後人誤 豳**風夏正周正中星辨 丑二寅三卯四皆有實義而毛傳云一者十之餘也 名 陽之月二陽之月戴氏震以爲子

武成篇惟 明夫十之數窮則知一之爲十餘知 氏楷以冬至爲日長之始本天而言主日孟春爲建寅 四之爲蒙上便文三四之不言正月二月猶古書蒙 何開建寅主月耶善夫戴岷隱之說日十者數之窮也 月之日解最直捷叉云物成稱月物生稱日則甚鑿何 **一始本
地而言主月尤為附會經明言三之日四之日** 與豳風述夏時事者不同且史家紀實必以月而詩 因事託訶體有不同亦可稱日也正義一月之日 月是子月可稱 (陶樓文鈔 月但泰誓武成專紀周 之爲餘則知三 美

矣首章二之日始言卒嵗則十月歳尚未卒何言改哉 非十月改歲則仍夏正也而呂氏乃曰十月改歲三正 指十二月歲終後而言故鄭箋云歲終而一之日觱發 通於民俗自古已然儒者遂以此爲豳用周正之證誤 因曰爲改嵗之文而疑也承上文十月之後言改嵗自 紀候遂爲正朔之說可無惑矣此不必疑者一也 一之日栗烈當避寒氣而入所穹窒墐戸之室正義亦 月而謂正月爲十三月無他義也知此而周先用此 則

也岩因紀候之殊疑爲周正則條桑其穫食瓜剣聚 校月令總舉大概豳風專言 非盡夏正者不知箋傳三言晚寒蓋地氣不同難以齊 取冰幽風三之日納於凌陰後人因二書不同有疑豳 風十月穫稻月合仲秋嘗麻豳風九月菽苴月令季冬 月令季秋令民入室豳風改歲入室月令季秋嘗稻 風點月始鳴別三月令季秋草木黃落豳風十月隕蘀 此不必疑者二也 也月令仲夏鳴鵙豳風七月始鳴月令仲春倉庚鳴 則因豳風所記與月令參差而疑 一方其不能盡同理固然 Ē 豳

此又傳交之不必疑者也經傳皆無可疑則夏正周正 孟子論田賦亦通言三代何嘗謂貢助徹一 火以正仲夏而月令季夏之月火星始中豳詩七月流 言卒晟禮記一書屢舉三代通言不過欲人知源流耳 疑者則首章傳云一之日周正月也二之日殷正月也 三之日夏正月也四之日周四月也此不過指類以曉 霜滌場之類何不異邪此不必疑者三也至傳交之可 [辨已明而猶有可疑者則中星之說也堯典日汞星 THE PARTY OF THE P 時並舉哉

卷

火周氏供謨謂是嵗差劉安成謂堯至周公千一 月則日在鶉首而昬時大火西流此詩上 義則謂尚書總舉一月月令舉其月初故有不同未嘗 月流火蓋據周時所見而言其言嚴差誠爲有據但鄭 志謂日丞星火是大火之次季夏中火是火之心星正 以七月所言必是周初星宿詩三百篇皆用夏正無 象以述夏時之事之理以經證經參之傳生確有可徵 餘年歳差當退十六七度故六月而後日在鶉火七 詩獨雜周正之理七月既用夏正亦無舉周時星 胸機文鈔 灵 一述幽俗而 百四

之屬 之服服之問禮於家君彭年承庭命檢禮經律例以對 育於父之別妾未嘗受父命爲毋子也大夫欲以慈毋 某大夫妾出子也三歲生母死育於祖母十歲祖母死 **庶世 茲已不得同 茲母服制對** 爲母若是則生養之終其身如母死則喪之如母貴父 無煩聚訟也 之命也疏云小記云茲毋不世祭見輕之義 禮慈母如母傳日父命妾日女以爲子命子曰女以 一非配父之솈但惟貴父之命故也禮叉云士 非骨血

制不得比於父命之慈母明矣國朝律例庶母謂父妾 之服所以三年爲父命不爲慈己慈己之庶毋自有服 繼母名慈母但慈已無父命也者不過小功也是慈母 以小功也以慈己加也又通典引譙周說云妄不得有 別妾撫育者斬衰三年日父命者亦明非父命不得謂 有子者為嫡子眾子齊衰杖期慈毋謂所生母死父命 無服叉云君子子爲庶母茲己者小功傳日爲庶母何 | 胸 樓 文 鈔 芜

教 | 哉或日士爲庶母總麻君子子爲庶母之慈己者小功 以妾體君則上下無別雖尊其毋實卑其父彼僖公於 禮不敢過也是所謂厭於尊而紬於服紬於服者心 期則無可加也然則茲已恩之篤者宜如何日先王 生已之母尙有尊母卑父之譏況於慈己而無父命者 則慈己者宜有加也曰禮無一 人為慈己者則有加矣今律庶母已加至齊衰杖期 人重父命而抑私恩非獨防作偽也范氏說穀梁謂 個月叉云如有假揑照例議處丁憂而防其假揑是 斬故期服以下有加至

趙生觀恩請字於予予惟古者 趙生字功甫說 養庶母兩月後剃頭當差自有制度不得拨古以請 道也若夫八旗官員則庶母出殯後七日剃頭當差撫 必變國家之定制而伸一已之私恩亦非敬父事君之 期服終三年不飲酒食肉不處內不聽樂如是而已矣 可也心喪何如日期服不去官例也心喪則解官可也 关日諾 顧趙生自十三 関リ東と少 一歲舉縣學生之太原鄉試巡撫以 一十冠而字而趙生童

莫不稱重有聞於時成人不遠也因字之曰功甫而爲 百古人之事宜其爲功也於古爲難然古者諸侯以 治者自牧令而下丞尉教官不過數人之數人者又多 纔七十五十里而百官備焉今一 國之功古者諸侯覲於天子非徒近天子之光爲榮顯 之說曰昔有虞敷奏以言明試以功周禮秋覲以比邦 之數人又責之一人今人之知能非能加於古人而 不與牧令之事則是以古者君相百官共治之事而責 |以逃職而考功||云夫諸侯之國大||不過||百里其小者 卷幣 有ご金 一邑廣數百里而其爲

部省又或資源出爲郡守則束髮受書即人人有治國 亂之機則其爲言也必能自樹立而其異日之事功亦 俗政治得失形勢利害而上下古今剖析所以致治致 見所當爲有不容已於天下之故因以攷四方入情風 沉潛於六經四子由聖賢之言以窺聖賢之心而確然 及其試之篡效則共獺笑以詩書爲無用豈不誣哉夫 子民之實而上之所取士之所習不越四對八比之文 及而今之官流銓士人釋祸大半官縣令其官翰林六 四對八比之交所謂代聖賢立言者層也妄也然使果 啊 胸 樓 文 鈔

|必有過人者矣趙生勉之歸致而功毋欲速成可也 者內聖外王之大綱亦即聲書之大綱朱子叉嘗教 大學趙生今其年也吾朱子注大學言序不可紊而 致而未明夫致功之本或疑學之無序古者十五人 余既爲字說以貽趙生又念所以期趙生者功之極 物也講明而切究之乃所謂格物而致知也夫大學 功不可關是則功者必循序而漸進而所謂序者非 人讀書之法以大學爲架子而以羣書實之西山瓊 一事終一事方始也今語趙生以治平之要乃所謂 卷

修省自强疏恭録 奏爲天時人事日見艱難請勤修省之方求自强之策 淹既寬而四川江水陡長十餘州縣城署田廬多被衝 成中與之治仰所 **,他兩次懸象示警亢旱浬兩時序失調北河漫決破** 以至湖南北江湖並漲下游皆受其災此天時之可 庶不爲俗學所誤哉 用其言其書其人 胸模文鈔 諭旨 八遂皆不朽趙生求其書而讀之 聖鑒事臣癩見今年正月以來 孟 聖慮而

之案始而及於守令今且及於封疆始而見諸外省今 人心不靖敢於逞凶山東有知府被刺之案浙江有知 桑林湯先自責誠見夫天人感應之機捷於影響而轉 且見諸輦下民慢其上愍不畏法履霜堅冰誠非細。 危爲安變弱爲强端在勤修省而求自强也修省之方 此 已然之跡為未然之防是以洪水為患堯用嗕吝禱 **最切者有四一日懋** 被刺之案兩江有總督被刺之案京師有主事被刺 人事之可憂者也古之帝王遇災而懼因時而惕察 1000 聖學人主 STATE OF THE PERSON NAMED IN COLUMN TWO IS NOT THE OWNER. 日親師傅之時少 丽

一殿品而不之擇者會不知人主朝夕與居氣體移養恆 主之意即傅所陳皆齊家治國之要近習所陳多耳 接左右近習之時多師傅能犯人主之顏近習善何 於燕閒之地加克治之功未辦事之時講求事理則事 施令罔不臧也則君德之所係豈其微哉伏願 最易明末讀書之際納釋詩書則書尤有味至於內監 忠良侍御僕從罔非正人始能出入起居罔不敛發號 必由之以周室交武之聰明齊聖獪必小大之臣咸懷 玩好之娛垛臣呂旭謙有言陪僕齊御之臣後世視爲 | 胸 樓 文 鈔 重 皇

時孟子猶稱其有不合者仰而思之夜以繼日思而得 前 處之別詳故深思者其見遠以昔周公之聖當周興之 敵天下之公論故集思者其益宏一時之舣悟不若千 之坐以待旦況不逮周公叉處時之極難者乎同治 補過蓋人臣求盡厥職其事未有不艱者而艱巨之來 之近侍必慎其選門禁之稽察必防其微便辟不使近 克艱厥臣叉日思其艱以圖其易傳日進思盡忠退思 非思無以窮其變亦非思無以觀其通一人之聰明不 君德自盆精粹矣一日戒臣工書日后克艱厥后臣 The state of the state of the state of は、東京一角ので、ままましてものである。 ははないない

年以後南朔底定而識者隱然憂風氣之差蓋京師閉 轉旋之機此秉鈞衡之臣所宜思也比例而拨成案成 風氣之先政府實出治之所苟推原得失之故即可為 年以前髮捻未平而四海愈然有治平之望同治 也吏部於各省保奏之件雖奉 加等之式茍不守 太多則膏更繫鈴解鈴之法出此同黜陟之臣所宜 孫刑部於 則書東上下其手之弊生遇事而政章程章程 阿陶樓文鈔 特交速議之案既有專條復開請 **旭宗之法何以持天下之平此執 諭旨尚有執例奏駿** 四 思

圃 一談因循而免咎者而後推該因循之計日工風憲宜 艱 奔競而得利者而後寅綠奔競之徒日眾亦必有以推 之弊先除推該因循亦既屢奉 法之臣所宜思也至於仕宦之途首戒寅緣奔競任事 庫帑充溢至七千條萬之多迨嘉慶中三省教匪 則庶政修明萬方咸若矣 既深未能變革老成重窐亦尙揣摩蓋必有以質緣 紀網督撫實操夫東治此又中外諸臣所宜共思 嚴飭大小臣工共圖 卷 日節財用测查乾隆 上理力除積習以救 綸音嚴切訓諭 冠 间 時 蒲 年

責始自古克儉之君莫如大禹而孔子稱禹不過非飲 聖德之深論謀之遠也咸豐以來軍務益繁幸賴 皇帝繼以儉勤故庫艱雖屬空虛財用未問匱乏臣每 猶有請者竊以為示儉之法宜以身先禁奢之令當自 謨瑪平髮捻而民間之元氣未復洋囘之爲患方殷屢 事軍铝浩資仰荷 食惡衣服卑宮室數端誠以人主自奉之豐約恆關 諭 旨 黜奢 崇 儉 誠 根 本 之 歪 計 治 世 之 [艮 圖 而 臣 宣宗遺詔三十餘年憂勤惕厲之言未嘗不歎 可胸機文鈔 仁宗省皇帝休養生息 彭 宣宗成 廟

....

為非宜不知者轉和做效此臣所謂當自貴始者伏望 衡下內務府凡事考查舊章力求掉節不得任意加增 必言所用之數甚細不過九牛之一毛在籌款之人默 者少尤為耗財之端乎夫狩冒之開銷難於杜絕而省 用之盈虛處入患其日滅歲出患其日增在領款之 **至於民間習俗全視巨室為轉移近來貴戚之家婚喪** 事以省費則理所易明此臣所謂宜以身先者伏望 、事競尙浮華動逾禮制市廛聚覩道路傳言知者以 所存之數已虧每憂漏卮之不寒汎中飽者多奉 卷

宏開請臣言之是者無不立見施行其言之非者或示 民氣厚矣一日廣言路臣編見 答最足奪;言者之氣而箝其口夫無稽之言勿聽謂其 言者有激之而亦言者惟不論其言之是非而寢而不 以期靖獻近日臺諫不聞直聲豈人皆無可適政皆無 以含容或明爲宣諭當時有言責諸臣靡不爭自罹磨 可間哉蓋人臣進言有不能自巳於言者有誘之而後 不效於古也若言合於古人則不可不聽矣弗詢之謀 特申誥誠命禮臣頒示限制使有遵循則奢侈除而 胸機交針 皇上御極之始言路

審其言之當否原不必責其人之沽名臺諫所得者名 苟廣諮 而詳審之則言者之 公私固不難於洞悉且惟 或惡其不切事情是三者亦理之所必有者也然人主 自來言路之取厭於人主者或防其有私或疑其沾直 進言者絕揣度冀倖之心而所言皆正矣不以人廢則 勿庸謂其不訪於眾也若言出於公論則不可不庸矣 國家所收者實也至言之不切者必籌度乎再三博詢 乎眾議果於事情不協然後置之論語日不以言舉人 不以人廢言千古求言之法不外乎是蓋不以言舉則

伊古有之防患未然不可不豫今日拾回之策無如屯 聽言者無猜嫌厭棄之意而取言益宏矣臣愚伏願 田耕戰兼資戰守悉便旣無征調之苦可免轉遲之 邪自不能入內政旣飭外侮自不能來然而夷狄爲患 節如起居之有常言路開如血脈之流貫正氣旣充外 身主德懋如天君之泰然庶績熙如百體之從令財用 庶政和矣凡此修省之端實爲治平之要譬如人之 皇上循初元之盛廣達聰之懷切賣言路諸臣使之 陳陶失並隨時召對部院大臣以廣忠盆則下惰迫而

之終若異類以其教與聖人異也今洋人入中國不如 至常而其爲教可久同民之入中國千有餘年漢民視 成之後斯叉策之至工者矣臣猾以為末而非其本也 同民之久而强民以從其教甚於同民恃教以欺百姓 性自古聖王修道立教無非因其性之自然故其爲道 **大自强之策惟在民心與人才而已民心之良本乎天 斯亦策之至善者矣治洋人之法無如造船製器盡彼** 國之長技壯中國之聲威謀之於無事之時試之於旣

管以為經久之至計特恐各省官更見天津府縣獲咎 輕重沒在遊漏之念致區拂性之機遇有民教変涉事 開兵端大革 縣地方官固須保全 說而來者可追伙願 團指餉皆與可慮之端不在邊隅而在心腹顧成事 列加程制形垂有所遵守令朝廷以西事末靖不欲 可假之名則煽惑嘯聚尤易而良民有乖離之意則練 意袒護教堂致使良民離心莠民藉口夫莠民 的數文沙 一案不惜委曲求全乃 時之局尤不可稍涉偏枯致傷 密飭各省督撫轉飭各該府州 時之權宜原 ÷

一文宗縣皇帝經證憂勞銳意剿辦天下咸知朝廷意之 所嚮是以人才奮與智者獻謀勇者效力不過十餘年 民氣以冀萬世之基則本固不搖而外侮可禦突人才 間各省次第戡定卒成大功至於夷務之與幾三十年 之與視乎事變事變之來必有才以濟之蓋身之所習 **夫卧薪肓膽之志不堅則精神智慮之用不違故開** 矣事變旣已迭更而人才仍處不足蓋以撫局已定天 **志之所嚮則才自出也往者髮捻倡亂民不知兵我** 下但見各國條約之通行未能仰體朝廷竭燃之深意 卷一:

者固盆 或簡自卿貳或擢自道府或由軍旅꺍陞或由田問特 作育尤貴及時臣聞近來軍營人員揮至一二品其賢 **效臣竊以爲知人之哲無如** 無復遠圖蓋銳氣已過而衰氣乘之後進之士不及見 拔惟取之不限一格故用之得盡所長今欲求宏濟之 力諸臣皆 以習算學設局以造輪船雖屬意於求才暫難收乎實 才惟有遵 加勤奮其不賢者則不免怠荒甚或廣營田宅 先皇之法至於戰勝之餘才氣已洩振興 文宗用之以遺我 9/ 国 婁文 眇 文宗從前平定髮捻宣 皇上佐成大動者

î

必致中興實我國家億萬年無躡之至幸臣職列詞垣 天時人事之可憂而不忘兢業慰天下蒼生之仰望而 此固民心求人才兩端質為自強之要務臣愚伏願 **陶成則人存政舉不必議更舊制自然足振國威矣凡** 部中之章程屢改軍功之得缺較難人多中材無由自 而建功立名者恆稀苟非激厲多方不能使之興起又 其方銳之時但效其已衰之後是以謀利于進者常眾 上於自強之策務採其本於修省之方必慎其微鑒 聖主念切旁求誠使奇才得邀鑒拔而中材有所 卷

皇太后 本年時序失調水旱选見江湖盛張下游受災天時 本無言責惟因目擊時艱敬陳愚悃是否有當伏乞 省之道大有裨益惟當孜孜求治重道親師慎侍御 **陳懋聖學戒臣工** 同治九年十月二十四日奉 屬可憂夙夜祇懼若涉大川問知攸濟茲覽黃彭年所 一論翰林院編修黃彭年奏時事艱難請勤修省 皇上聖鹽謹奏 胸樓文鈔 |節財用廣||言路各條剴切詳明於修 垾

章力求撙節不得任意加增凡百臣工尤當懔遊法 得失人材賢否如確有所見總當直言無隱以 競買緣庶幾積習萷除諸事可期振作至黜奢崇儉迭 大小臣工亦當恪共厥職共濟時艱力戒因循推諉奔 從之選屏耳目玩好之娛期於天下共臻上理爾內 廣開言路之意民爲邦本本固不搖爲治之道以固民 毋尚俘華言路通塞實爲治理所關在廷諸臣於政事 經誥誠諄諄猶恐奢侈相铅動踰禮制朕躬行節儉 先嗣後該內務府大臣於 危 切用款務當查照舊 副 朝 外 廷

請修畿輔通志疏 心爲要而宏濟艱難尤惟賢才是賴願與中外諸臣朝 宜先故尤重其事也溯查畿輔通志成於雍正年間迄 端 一奏爲設局重修畿輔通志仰所 此 必稽方策惟民所止首重邦畿周官邦國之志 圖維共求長怡久安之策有厚望焉原摺著留覽欽 百四十年 以別於外史所掌四方之志誠以近畿之地治化 /渦樓文針 亚 聖相承典章明備凡水道之 聖鑒事竊維爲政之 型 遷改

檢 當專紀而附入京師何渠須考源流而瑣記枝節藝文 惧考求無以信今傳後臣自去年履任遇有與除政務 狐 時**纂**錄垂示將來又舊志之中體裁未備! 奥 既事例之繁與士庶仰沐甄陶亦人文之日盛自應 **小詳書目僅列詩文釋道本屬異端覚躋人物若斯之** 紀 、地之 弁分以及裁置官員增減兵制國家因時 **踳駛殊多至於河工漕運兵事悔防皆屬大網略而** 尋老年卷宗輒多羅壞稽之舊志則紀述疏略亦 **陨者應補薦者須訂歷年既久文獻難徵若非** 港 邚 陵寢應 損 及 盆

裁首善之區益光 一楼學員紳襄同築校移檄郡縣頒發採訪條款分門 城設立總局延請翰林院編修黃彭年總司其事遊 類 足以備考查思欲重修因遇水災未遑兼及个幸仰蒙 然有條酌古準今堪資法式庶幾官可從政得所 紀述採訪不厭其詳編擇必極其慎務使巨綱細 至意至志局章程需用經費由臣督飭司道 加意搜羅凡官書所記案牘尚在以及故老傳聞 型 |訓辦理販撫慚次就緒與司道等籍議於保定 門胸樓文針 聖治以仰副我 皇 一體國經 随時

				皇上聖毉讃奏	辨所有設局重修畿輔通志緣由理合恭招	卷
		~			具陳伏乞	D []]